

He Whakatau

Me mātua pānui kia mārama rawa koe ki ngā whārangi 8–14 o tēnei pukapuka.

He whakarāpopoto

Pānuihia te whakarāpopoto ki te ākonga. “Kia pai tā koutou moe i te pō nei, he mahinga mōrearea tā koutou āpōpō,” te kī a te tipuna. He kōrero tēnei mō ētahi o ngā tipu o te ngahere.

He kupu whakataki

Kia kaha ki te whakamahi i ngā wheako, me ngā mōhio o ngā ākonga. Kia hāngai tonu te whakatenatena ki te whakauru i ngā ākonga katoa. Me whakatītina rawa te pūkenga tiro whakamua. Matapakihia ngā kupu hou, me mahi rawa te papa kupu me ngā whakaahua kei te uhi. Me whakamaumahara hoki te ākonga kia pātai ki a ia anō, i te wā e pānui ana ia mai i te fimatanga ki te mutunga o te pānui.

Matapakia te whakaongaonga o tētahi mahinga mōrearea ka tūmanakohia, tērā pea i te taha o ō tipuna. Mēnā kei te mōhio koe ka mahi koe i tētahi mea whakaongaonga i te rā ka whai ake, ka pēhea tō tere ki te moe?

Kimihia ngā akoranga riro noa i ngā ākonga e pā ana ki ngā momo rākau māori me ngā momo whakamahi i ēnei. I pēhea ā rātou ako ki ēnei? I pēhea te whakawhiti i ngā mōhioatanga pēnei i ngā wā o mua?

He Matapaki

Tirohia te pai o te pānui a te ākonga

I te wā o te matapaki me pānui te ākonga i te katoa, i tētahi wāhanga noa iho rānei, o te pukapuka ki a koe. Kātahi ka:

- whakanui, āta tatari, whakahau tika;
- titiro mēnā e tika ana, e pai ana hoki (mā te tatau i ngā hē), te rere o te reo;
- titiro mēnā e mārama ana mā te whai i tētahi o ngā huarahi e whai ake nei;
 - te pātai i ngā whakapuaki māramatanga me ētahi e tika ana, ā, whakaritea kia kōrero anō te ākonga i tētahi wāhanga o te pakiwaitara ki āna kupu ake;
 - te pātai mō tētahi āhuatanga o te pakiwaitara, arā, te kaupapa, te ritenga, ngā ariā matua, te raupapatanga, ngā kiripuaki;
 - te whakatenatena i te ākonga mō tana tiro ki mua i whakaputa ai ia i te wā o te whakataki.

Whakaarohia he aha atu hei mahi mā te ākonga

Me whakahau te ākonga:

- ki te whakamahi anō i te pukapuka i te taha o te mihini ripene kōrero, i tōna kotahi rānei;



- ki te whakaoti i tētahi o ngā hei mahi e pā ana ki te pukapuka;
- ki te whakaharatau kia eke te ākonga ki tētahi atu taumata.

He whakapuaki māramatanga me ngā whakautu

1. I kōrero a Koro mō ngā aha?
 2. Ka aha ngā tamariki i te ngahere?
 3. He aha ētahi momo whakamahi i ngā tipu?
 4. Nō hea ngā tipu iti?
 5. He aha te painga o ngā mōhio mō te ngahere.
1. Mō ētahi rākau nō te ngahere me ngā kōrero mō tēnā, mō tēnā.
 2. Ka rapu rātou, ka kimi, ā, ka kite i ngā tipu i kōrerotia ai e Koro.
 3. Hei hanga rautangi, hei rongoā, hei kai mā ngā manu, hei mahi whakairo.
 4. Ka rerekē ngā whakautu.
 5. Ka rerekē ngā whakautu.

He Mahere – Hei Tautoko i te Reo

E whai ake nei ētahi huarahi hei mahinga ngātahi mā ngā ākonga. Tirohia ngā whārangi kei te Tirohanga Whānui mō ngā tino āhuatanga o te pukapuka nei.

Te pūtake

T Te tipako mōhiohia mai i te pukapuka.

He whakatakinga ā-roro, he whakaharatau

I mua i te pānui i te pukapuka, matapakia te āhua whakawhitiwhiti mōhiohia pūmau o tēnei mea, te pukapuka. Matapakia me pēhea e mōhio ai te ākonga ki te rerekē o te pūmau me te auaha.

Tirohia te nuka kōrero paki hei whakaatu i te wā mua pēnei i ēnei:

- Nō muri ...
- I te ata ...
- I nanahi ...
- Āpōpō ...

Kia oti i te ākonga te pukapuka te pānui, me tipako ngā kōrero pūmau, ka matapaki anō ai he aha i pūmau ai. Matapakia ngā mōhiohia hou i kitea e te ākonga i roto i te kōrero.